



PEJABAT SETIAUSAHA KERAJAAN NEGERI PULAU PINANG

PANDUAN MENGISI DOKUMEN PERJANJIAN LEMBAGA BIASISWA DAN PINJAMAN PENUNTUT NEGERI PULAU PINANG

PENTING :

SILA BACA SEMUA ARAHAN DAN PANDUAN DENGAN TELITI SEBELUM MENGISI BORANG PERJANJIAN. KEGAGALAN PELAJAR MENYEMPURNAKAN PERJANJIAN ATAU SEBARANG KESILAPAN BOLEH MENYEBABKAN KELEWATAN PEMBAYARAN.

- 1 Sila teliti dan fahami Contoh Perjanjian Pinjaman Penuntut Negeri Pulau Pinang sebelum membuat pengesahan setuju terima tawaran Pinjaman Penuntut Negeri Pulau Pinang.
- 2 Sila kenalpasti Penjamin sebelum mengisi ruangan penjamin di Sistem ePP. **(Sila rujuk m/s 3 No.11 untuk syarat-syarat penjamin).**
- 3 Sila pastikan perkara-perkara seperti di senarai semak yang dihantar melalui emel (alamat emel yang didaftarkan semasa membuat Permohonan *Online*) disediakan sebelum mula mengisi Dokumen Perjanjian Pinjaman Penuntut Negeri Pulau Pinang.
- 4 Sila pastikan tuan/puan mencetak 3 set Dokumen Perjanjian Pinjaman Penuntut Negeri Pulau Pinang melalui sistem epp.penang.gov.my.
- 5 Sila rujuk CONTOH Perjanjian Pinjaman Penuntut Negeri Pulau Pinang semasa mengisi dokumen tersebut.
- 6 Sila pastikan semua maklumat tuan/puan di Dokumen Perjanjian adalah tepat.
- 7 Sila gunakan pen/ball pen **BEDAKWAT HITAM** sahaja.
- 8 Setiap salinan Perjanjian hendaklah dimatikan dengan setem hasil bernilai

RM10.00 di mana-mana Pejabat Hasil di Malaysia.

- 9 Sila pastikan Perjanjian di cetak di atas kertas A4 berwarna putih dengan ketebalan 80gsm.
- 10 Cara-cara mengisi DOKUMEN PERJANJIAN :

MUKA SURAT	KETERANGAN
2	“ <i>PERJANJIAN INI dibuat pada.....haribulan.....20.....</i> ” Sila isikan Tarikh Setem Hasil Dicap/Dimatikan.
2-3 & 5-13	Perlu tandatangan di bawah setiap muka surat oleh Penuntut dan Penjamin.
4 dan 17	Pastikan saksi adalah sama bagi PENUNTUT dan PENJAMIN
4	Perlu tandatangan diruangan PENUNTUT dan SAKSI PENUNTUT. KOSONGKAN bagi pihak Lembaga dan Saksi Lembaga.
16	Jadual I : MAKLUMAT PEMINJAM & PINJAMAN Lekatkan gambar peminjam yang berukuran pasport.
17	Jadual II : MAKLUMAT PENJAMIN Lekatkan gambar penjamin yang berukuran pasport dan PENJAMIN perlu tandatangan bersama dengan seorang saksi.
18	Akuan Penjamin Perlu tandatangan PENJAMIN

11 Syarat-syarat PENJAMIN :

- i) Penjamin mestilah Warganegara Malaysia.
- ii) Penjamin mestilah berumur antara 21 hingga 55 tahun sahaja.
- iii) Seorang Penjamin yang berpendapatan RM2,000.00 dan ke atas.
- iv) Peminjam yang belum menyelesaikan keseluruhan Pinjaman Penuntut Negeri Pulau Pinang tidak layak menjadi Penjamin.
- v) Tidak diisytiharkan muflis oleh mahkamah.

* **Salinan kad pengenalan penjamin perlu disertakan. Pihak Lembaga Biasiswa/Pinjaman Negeri berhak menolak penjamin jika penjamin yang dipilih adalah tidak layak.**

12 Syarat-syarat SAKSI :

Penuntut dan penjamin hendaklah menandatangani Perjanjian mereka dengan disaksikan oleh seorang Warganegara Malaysia yang mesti berumur lebih daripada 21 tahun serta mengenali pemohon dan terdiri daripada golongan-golongan seperti di bawah:-

- i) Doktor atau peguam;
- ii) Pegawai Daerah atau Penghulu Kerajaan;
- iii) Pengetua atau Guru Besar sekolah bantuan penuh kerajaan;
- iv) Pensyarah/Profesor atau Pendaftar Universiti;
- v) Jaksa Pendamai atau Ahli Parlimen;
- vi) Ahli Dewan Undangan Negeri atau Ahli Pihak Berkuasa Tempatan;
dan
- vii) Pegawai Kerajaan Kumpulan A (Pengurusan & Profesional).

* Semua jawatan di syarikat *Government Linked Company (GLC)*, Pengerusi Jawatankuasa Kemajuan Kampung (JKKK), Penghulu Kampung dan Pegawai Kerajaan bukan kumpulan A selain di atas adalah **TIDAK LAYAK** menjadi saksi. Penjamin dan penuntut yang berkenaan juga tidak boleh menandatangani borang-borang perjanjian itu sebagai saksi.

13 ALAMAT POS

Borang perjanjian yang telah lengkap diisi dalam tiga (3) salinan (telah dimatikan dengan setem hasil setiap satu) hendaklah dikembalikan bersama-

sama dengan Borang Senarai Semak yang telah lengkap diisi berserta salinan-salinan dokumen ke alamat seperti di bawah dan tidak melewati tarikh yang ditetapkan :-

**Lembaga Tabung Amanah Pinjaman Penuntut Negeri Pulau Pinang
Pejabat Setiausaha Kerajaan Negeri Pulau Pinang
Paras 29, KOMTAR
10503 PULAU PINANG.**

11 PERTANYAAN

Sebarang kemusykilan boleh menghubungi pentadbiran ini di talian :-
04-6505391/5165/5627

Dikeluarkan oleh:-

Lembaga Tabung Amanah Pinjaman Penuntut Negeri
Pulau Pinang